



NORGES VASSDRAGS- OG
ENERGIDIREKTORAT (NVE)
Postboks 5091 Majorstua
0301 OSLO

Vår ref.:
2026/32-2

Sakshandsamar:
Inge Olav Fjalestad
inge.olav.fjalestad@bygland.kommune.no

Dato
02.02.2026

OFFENTLEG ETTERSYN AV DETALJPLAN FOR MILJØ OG LANDSKAP FOR REETABLERING AV DAM LONGERAK I BYGLAND KOMMUNE

Vi syner til dykkar brev datert 08.01.2026 (dykkar ref. 202521494-2) vedrørende detaljplan for miljø og landskap for reetablering av dam Longerak. Der kommunen kan kome med innspel til detaljplanen utarbeidd av Å Energi.

Bygland kommune har òg motteke detaljplanen i samband med søknad om dispensasjon frå kommuneplanens arealdel. Kommunen har i brev til Å-energi Vannkraft etterspurt ein del manglar som ikkje kom fram i søknad om dispensasjon frå kommuneplanens arealdel.

Mange av opplysningane som vi då etterspurde er framleis gjeldande i samband med høyring på detaljplan for miljø og landskap.

Kommunen meiner at detaljplanen manglar vurderingar på eller seier lite om:

- Forhold knytt til eksisterande båtopptrekk og bruk av båt på deponert grunn ved regulering av magasinet er ikkje vurdert. Avgrensing av deponi i vatn og øvre høgde på deponi må settast mot. båttrafikk, båtopptrekk, fiske og leveområde for fisk og andre organismar i vatnet.
- Er det aktuelt å vurdere om noko av massa frå eksisterande dam kan nyttast til forsterking/bærelag på eksisterande traktorveg i staden for å deponere den i Longeraksvatnet?
- Om midlertidig adkomstveg/anleggsveg på om lag 270 m, står det at etter arbeidet beheld ein faring for ATV. Kva vil det seie? Kommunen meiner det må gå fram tekniske opplysningar på ATV-veg som skal bli liggande att, korleis skal den sjå ut ved avslutning, vegbreidde og standard/kvalitet/vegklasse.
- Dersom det skal etablerast masseuttak lokalt i området for å hente masse til tetting av fangdammar og masser til anleggsveg, det står opplyst ca. 70 m³, må massetaket inngå i søknaden om dispensasjon, alternativt må de sende eigen søknad om dispensasjon seinare. Det bør òg skisserast korleis massetaket er tenkt avslutta/tilbakeført.
- Er det planlagt eigen avfallsplan og søknad etter forureiningslova om mellombels utsleppsløye til tett tank?
- Lokale opplysningar tyder på at Longeraksvatn i dag har ein sjølvrekrutterande aurebestand av god kvalitet, Lislevatn har også ein sjølvrekrutterande aurebestand.
Det må utgreiast korleis fiskebestandane blir ivareteke under og etter arbeidet med ny dam.
 - Er det viktige gyte- og oppvekstområde i anleggsområdet?
 - Er det vandring av fisk mellom Lislevatn og Longeraksvatn i dag?

- Det må vurderast/bli avklart om det er behov for ei vandringsløysning for fisk mellom Lislevatn og Longeraksvatn.

Andre forhold som vi har kommentert i brev til Å Energi Vannkraft AS i samband med dispensasjon frå kommuneplanens arealdel er blant anna:

- 1) Dette gjeld tiltaket i vatn og vassdrag og det må det ligge føre følgende løyve:
 - a. Løyve til fysiske tiltak i vassdrag, Informasjon og søknadsskjema finn ein på Agder Fylkeskommune si nettside: [Fysiske tiltak i vassdrag - Agder fylkeskommune](#)
 - b. Løyve til utfylling av massar frå den gamle dammen i Longeraksvatnet, søknad må sendast til Statsforvaltaren i Agder.
- 2) Vassforekomsten Longeraksvatn 021-9075-L har jfr. Vann-nett miljømål svært god og miljøtilstand god. Det er elles lite opplysningar om miljøtilstand i Longeraksvatn som er tilgjengelig i vann-nett.

Med søknaden må det leggst fram vurderingar om tiltaket gjer det vanskelegare å nå miljømålet, og opplysningar bør være tilstrekkelig til at kommunen kan vurdere om vannforskriftens §12 kjem til anvendelse, og evt. om vilkåra i §12 blir oppfylt.

Det kan også bli aktuelt å sette som vilkår at resultatet av undersøkingar av vannmiljø og sediment blir lagt inn i vann-nett.

Med helsing
Bygland kommune

Aslak J. Brekke
Leiar samfunnsutvikling

Inge Olav Fjalestad
Skogbrukssjef

Om Bygland kommune har sendt dette dokumentet elektronisk, vil det mangle underskrift.